



Pou Piblikasyon Imedya: 19/11/2021

GOUVÈNÈ KATHY HOCHUL

GOUVÈNÈ HOCHUL METE AKSAN SOU LWA SOU BENEFIS POU REKONSTUI PI BYEN AN POU NOUYÒKÈ YO

Gouvènè Kathy Hochul te mete aksan jodi a sou benefis Ajennda istorik pou Rekonstui pi Byen an ki te adopte pa Lachanm Ameriken an maten an.

"Fanmi nou yo t ap tann yon kòd sovtaj, epi mwen aplodi Prezidan Pelosi ak Delegasyon Demokratik Kongrè New York la paske li livre lejislasyon istorik sa", **Gouvènè Hochul te deklare.** "Prezidan Biden avanse yon ajennda ekonomik anbisye pou fanmi ak moun k ap travay nan New York yo, epi Lachanm lan te avanse envestisman istorik nan ekonomi, edikasyon, swen timoun, swen sante ak konba nou kont chanjman klimatik la atravè Lwa pou Rekonstui pi Byen an (Build Back Better Act). Mwen konfyan ke Lidè Majoritè Shumer ak Demokrat yo nan Sena Ameriken an ap ede pote pwojè lwa sa jiska lafen epi asire ke Eta New York kreye djòb, amelyore lavi, epi abòde finalman kriz klima a - tout sa san li pa ajoute sou chaj fiskal klas mwayèn nan."

Pwojè lwa a ap sipòte envestisman nan pwogram edikasyon, mendèv, swen timoun, swen sante ak klima Eta New York. Lè nou atire lajan federal nan kominate nou yo, Nouyòkè yo ap wè depans yo pou preskripsyon medikaman, swen timoun ak edikasyon bese. Lè nou envesti nan fabrikasyon nasyonal ak enèji pwòp, New York ak Amerik la ap pi konpetitif pandan n ap rekipere nan difikilte ekonomik ke pandemi an lakoz ak tranzisyón vè yon ekonomi ki pi ekolojik. Lachanm Demokrat la te adopte yon pwojè lwa ki responsab fiskalman ki mande chak moun k ap fè mwens pase 400,000 dola pa ane pou peye yon santim anplis nan taks federal, k ap asire ke klas mwayèn ak klas travayè a wè benefis dirèk ki soti nan envestisman sa yo.

Fanmi ak moun k ap travay nan New York yo ap wè benefis dirèk ki enkli:

- **Envesti nan timoun ak fanmi yo:** Avèk yon envestisman 400 milya dola nan Nouyòkè ki pi jèn nou yo, apeprè 300,000 pou timoun twa ak kat ap kapab benefisye de klas preskolè inivèsèl. Toutotan paran yo ap retounen travay, envestisman istorik sa ap ede asire ke swen sante dekalite, ki fyab epi nan pri ki abòdab nan pòte apeprè yon milyon jèn Nouyòkè ke fanmi yo ap tann pou benefisye nan depans swen timoun ki bese yo. Dredi enpo ranfòse pou diminisyon povrete timoun yo ap pwolonje pou en an, k ap pote yon lòt douz mwa soulajman ki nesesè

pou fanmi k ap travay nou yo. Anplis, pwojè lwa sa fè rès peyi a vin pi pwòch New York finalman lè li entwodui konje familyal peye nan tout peyi a, yon pwogram ki enpòtan anpil ki te dwe fèt lontan ki te lwa nan Eta nou an depi 2016.

- **Abòde kriz klimatik Ia:** Lejislasyon istorik la fè pi gwo envestisman pou konbat chanjman klimatik la nan listwa Ameriken an, k ap envesti 550 milya dola pou sipòte teknoloji pou diminye emisyon, ansanm ekonomi an, pandan l ap elaji radikalman kredi taks enèji pwòp la pou ankouraje devlopman sektè prive a. Soti nan konstriksyon rive nan sektè transpò, envestisman enpòtan sa yo ap ede New York franchi etap enpòtan pou reponn ak direksyon klimatik anbisye nou yo dapre Lwa sou Lidèchip Klimatik ak Pwoteksyon Kominotè a (Climate Leadership and Community Protection Act) ki enkli tranzisyon vè yon sektè elektrik zewo emisyon disi 2040 epi rive nan netralite kabòn nan echèl ekonomi an.
- **Asire swen sante dekalite, nan pri ki abòdab:** Nouyòkè yo ap wè depans preskripsiyan medikaman pou sove lavi bese, avèk granmoun nou yo k ap kapab benefisyé de depans ranbousab pou medikaman ki nesesè yo k ap bese ansanm ak benefis odyans konplè nan Medicare. Lè nou elaji prim asirans maladi yo, plis Nouyòkè toujou ka rejwenn plis pase 925,000 moun ki enskri kounye a yo pou jwenn kouvèti sante nan pri ki abòdab, dekalite atravè New York State of Health pandan y ap ekonomize plizyè milye dola pa ane. Anplis, pwojè lwa sa fè envestisman alontèm ki enpòtan nan sante manman ak timoun nou yo, k ap otorize Pwogram Asirans Sante Timoun yo nan fason pèmanan pou apeprè 400,000 timoun ki enskri epi amelyore swen sante matènèl la.
- **Devlope opòtinite pou elèv ak fanmi k ap travay yo:** Bay envestisman ki enpòtan pou sipòte fanmi k ap travay yo atravè opòtinite ki ogmante pou travayè yo ak aksè pou edikasyon siperyè. Pake a ogmante Sibvansyon Pell maksimòm nan a 550 dola, ki sipòte 340,512 elèv nan Ney York ki depann de Pell yo, pandan l ap ogmante aksè tou pou plis pase 28,000 DREAMers ki rele New York lakay yo. Pake a bay envestisman ki enpòtan tou pou sipòte 65 enstitisyon k ap sèvi minorite New York yo ak elèv yo sèvi yo. Pi lwen pase klas la, pake a bay plis pase 50 milya dola finansman ki enpòtan pou fòme plizyè santèn milye Nouyòke nan travay pou demen lè li envesti nan pwogram ki fè prèv yo ki enkli estaj sètifye ak lòt fòmasyon pou travay ki prepare moun yo pou travay bon kalite.
- **Bay pi bon aksè nan lojman:** Lè nou envesti 150 milya dola nan konstriksyon ak prezèvasyon opsyon lojman nan pri ki abòdab, Nouyòkè yo ap genyen kay ki gen sekrite epi ki rezistan. Pou 1.7 milyon lokatè nan New York yo, Lwa pou Rekonstui Pi Byen an ogmante lojman bon kalite atravè novo ensitasyon pou konstriksyon, ki bay finansman ki tèlman nesesè pou reyabilite inite lojman ki egziste yo ki enkli aryere bezwen pou kapital ki akimile nan 326 devlopman lojman publik NYCHA yo epi k ap ajoute plizyè milya dola nan novo koupon lojman yo pou sipòte lokatè yo.

- **Abòde enpak negatif plafon SALT Ia:** Lwa pou Rekonstui Pi Byen an pran mezi ki enpòtan pou abòde enpak fiskal devstan pou gouvènman eta ak lokal la alafwa ke plafon dediksyon Fiskal Eta ak Lokal (State and Local Tax deduction, SALT). Lè nou ogmante plafon an soti 10,000 dola rive 80,000 dola, kominote New York yo ap an mezi pou jwenn plis revni, k ap asire kapasite nou pou bay sèvis publik ke Nouyòkè yo depann de li yo, tankou sèvis ijans, sante publik, ak devlopman enfrastrikti.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)